

刑考

刑書

五刑圖

諸律類記

文獻備考

東國文獻備考卷之一百四十七

校正

刑考八

刑書

大明律 大明太祖洪武三十年成

律凡七曰名例律四十條曰吏律職制十五條曰

戶律戶役十五條○倉庫二十四條○田宅十一條○課程十九條○婚姻十八條

條五條市曰禮律祭祀六條曰兵律官衛十九條○軍政二十條

條十一條關津七條○郵驛十八條○廐牧曰刑律賊盜二十八條○命二十條○聞

毆二十條○詐偽十二條○罵詈八條○詆訟十條○受贓十一條

條○捕亡八條○
斷獄二十九條

曰工律
營造九條○

按四百六

十條
原本作四百六十四條

補高麗辛禑三年令中外決獄一遵至正條格○
六年典法司上疏曰前元有天下制以條格通制
布律中外尚懼其煩而未究復以中國俚語為律
名曰議刑易覽欲令天下為吏者皆得以易曉也
然本國俚語與中朝不通尤所難曉且無講習者
俗吏妄施其意上下以為姦或受賄賂或怵權勢
縱釋有罪枉陷無辜竊見大明律考之議刑易覽
斟酌古今尤煩詳盡况時王之制尤當倣行然與

本朝律不合者有之乞命朝臣通中國與本朝俚
文者斟酌更定訓導京外官吏一答一杖依律施
行如有妄意輕重者以其罪罪之○恭讓王四年
大明律來侍中鄭夢周採大明律至正條為本朝
法令酌成新律以進王命知申事李詹進講凡六
日屢歎其美謂侍臣曰此律須宜熟究刑定然後
可行於世也苟不熟審一切判付恐有可刑之條
也法律一定不可變更

無冤錄 大明英宗正統三年成補本朝崔致雲註
肅宗御製引曰夫難莫難於理獄而折獄尤難冤

莫寃于枉屈而枉死尤寃蓋獄者人命之攸關而
死不可復生刑不可復續則至緊至重者顧不在
於檢與苟或莫察於檢覆之際定執不明則死生
以之而繫焉寃悉以之而興焉傷天地之和召水編
輯以旱之災此東甌王與之所以參考二錄增損夫難
明示來世者而其致命之多端驗法之非一與律家之
獄意表之事炳然脩載罔有闕漏真所謂於始一
指南也後之按獄之官誠能反覆深體謹之之本
意國黎庶自底不寃則其亦庶幾不悖乎目編焉

附例大明律

大明神宗萬曆十三年成

補理方府格

新羅太宗王甲寅成

凡六十餘條

本朝經國元典續典

見藝文考

太祖甲戌成

經濟六典

見藝文考

世宗庚戌成

補

臣

謹按經濟六典本考刑制云太祖四年

命鄭道傳撰之河崙詳定又藝文考經國六

典註即元續典云云而此則分以之而又作

世宗庚戌成或者撰定於太祖朝而重修於

世宗朝經國六典即此經濟六典而元續典

改以今名歟

鄭道傳序曰聖人之制刑非欲恃此而為治惟以

輔治而已辟以止辟刑期無刑苟其治之已成則
刑可錯而不用矣今我殿下好生之德協于上帝
凡有犯法為有司所論執者苟有可疑每加矜恤
務終寬典多所原免俾以自新又慮愚民無知觸
禁爰命攸司將大明律譯以方言使衆易曉凡所
斷決皆用此律所以上奉帝範下重人命也將見
斯民知禁而不犯刑錯而不用矣豈不休哉

①補世祖十一年上出內藏大明講解律律學解頤
律解辨疑等書命大司憲梁誠之校正分送講解
于慶尚道解頤于全羅道辨疑于忠清道使之刊

印各五百件廣布中外

經國大典

見藝文考

成宗辛卯成

刑典凡二十三目曰決獄日限條一曰囚禁條一曰推

斷條六曰禁刑條一曰濫刑條一曰偽造條二曰恤囚條三曰

逃亡條二曰才白丁團聚條一曰捕盜條二曰贓盜條四曰

元惡鄉吏條一曰銀錢代用條一曰罪犯准詐條二曰告

尊長條一曰禁制條十五曰訢冤條一曰停訟條一曰賤妾

條一曰賤妻妾子女條二曰公賤條十曰私賤條九曰賤娶

婢產條一摠六十九條

大提學徐居正序曰六典卽周之六卿其良法美

意卽周之闕雎麟趾文質損益之宜彬彬郁郁孰
謂大典之作不與周官周禮而相為表裏乎建諸
天地四時而不悖考諸前聖而不謬百世以俟聖
人而不惑者可知矣緬自今聖子神孫率由成憲
不愆不忘則我國家文明之治豈唯比隆於成周
而已乎億萬世無疆之業當益悠久而悠長矣

補初太祖朝命撰元六典續六典世宗朝又撰六
典謄錄世祖以其料條有前後抵牾者命崔恒等
斟酌損益改定六典綴訖刑戶二典至睿宗初乃
成具箋以進上曰先王之志事告于永昌殿然議

者皆病其疎漏未脩及成宗元年申叔舟等建請
令六曹諸司條具六典事例使恒等更加增刪釐
正至是上之命印頒中外

前續錄

見藝文考

成宗壬子成

藝文提學權健序曰臣竊以天之運四時也四德
雖若不同然一元之氣流行貫徹無非生物之仁
聖人憲天出治損益弛張微若不同聖作神述導
德齊禮使斯民盡登於恭和仁壽之域則一也四
聖同符妙契玄化以闕睢麟趾之意行周官法度
苟或聖子神孫不究四聖之心而徒規規於法令

條制之末朝變一法暮立一法盡取而紛更之則祖宗良法美意索然無餘矣可不戒哉

補中宗三十四年命刊頒棠陰此事折獄體要於中外大司憲尚震以刑獄多濫而請之也

後續錄

見藝文考

中宗癸卯成

大提學成世昌序曰有法而不用不如無法無法則民猶有所忌不忍為非有法而不用則更何所畏而知禁哉是以號令為空言簡書為文具雖有嘉言美政終至於為空言為文具言之而不從教之而不行頽靡不振國勢日趨於污下則其不至

亂亡者幾希矣惟我聖上明燭是理治必法乎先
王政必循乎時宜知密法之不如疎繁令之不如
簡一教一令之發無非仁民愛物之心而皆本於
祖宗憲章之舊是所謂以闕睢麟趾之美意行周
官之法度者也能使後世永遵而勿失則豈非吾
東方萬民之福也

補宣祖二十四年筵臣李幼澄啓曰我朝經國大
典周詳完密曲盡事情而前後續錄之作又極其
未盡之蘊纖悉備具一事未遺朝廷之上遵守勿
失則足為一代制治之良法而數百年來翫愒度

日守法之官視之尋常惟以人情淺深得以輕重其法而至有三日公事之誚鹿皮大曲之譏誠可寒心繼自今一事一為必引大典所載痛革謬習

詞訟類聚

見藝文考

宣祖乙酉成

聽訟指南

補仁祖三年承旨徐景兩言照律之際大明律大典前後續錄外多用受教而受教之書未嘗刊行律官輩謄書叅考誠苟簡也請令刑曹校正分類鈐梓頒行上從之事下刑曹刑曹請擇曉法律識時務之臣與大臣從容議勘以為成書從之

補肅宗六年脩堂趙帥錫筵啓臣曾忝史官奉審
歷朝實錄則國家所用者只是六典而如非六典
所載則雖是可行之事可施之政不得舉論至如
刑賞黜陟罔不由之能行六典者舉而廢之不行
六典者斥而罪之故法令如一莫敢違拒官吏奉
法惟謹民庶信法不疑自中古以來漸至廢墜其
中法久弊生窒碍難行者外並皆修明六典申飭
中外舉而行之則何事不理何政不修若論急務
無過於此工曹叅判李端夏仍請廣印六典頒布
中外領議政金壽恒曰祖宗朝著為六典金科玉

條至矣盡矣而到今官吏怠慢視為虛文使祖宗
朝良法美意反歸廢墜至於前後捧承傳之事無
意奉行而更請捧承傳者比比有之且以政院見
之累朝受教四面付壁而多有廢閣不行者誠甚
慨然今若嚴飭中外申明六典使之著實舉行則
其效宣淺尠哉兵曹判書金錫胄曰大典頒行之
後又不無隨時添補之新令故前後抄成兩續錄
而其後又至百有餘年累經變亂新制益多亦有
宜於今而實不可廢者故今有謄書受教兩冊莊
在於律官及吏胥等處者此外或因備忘記或因

覆啓要緊行用者亦甚夥然而以其不載於刊行
成書之故中外或昧於奉行奸弊益滋不可不及
今收集纂成續錄但此事若令一人掌之則成就
未易六曹各以該典所宜載者一一抄出就議大
臣刪繁取簡吏典則吏曹主之戶典則戶曹主之
又使承旨之分掌其房者預知而督成則似或便
好矣上曰乙卯年間使權大運主管此事而終不
舉行矣今則令諸司各舉抄出其所宜行者就議
於大臣完定後刊行可也

八年命李翊撰定續錄受教餒梓廣布叅贊官徐

文重以外方郡邑律書未脩至於受教尤所昧昧
守令不能援據法例多所臆決有是請

補九年吏曹叅議朴世采疏曰我國大典成於成
宗朝金科玉條固已詳密而行之二百年庇弊日
生中經兵亂或廢或變無由準的今當依李珣說
別設一司以大臣領之選卿宰以下通經學習世
務者俾依大典本文詳加斟酌其可行者謹而守
之其不可行者別為變通其可追補者亦為添入
是所謂經濟之義也其小目曰叅用經濟六典曰
修正續錄曰採先正章疏曰革舊弊曰頒新制叅

用經濟六典者既已依大典有所損益矣又當取
所謂經濟六典者商量補綴以成全書正為祖宗
朝良法美意盡在於此且計當時去高麗未遠物
理人情或有沿襲叅證之端而纂定大典時多未
登載故也修正續錄者大典之後又有續錄後續
皆已通行而各司所用列聖受教亦多不同蓋緣
一時事情互異以致如此官吏臨事莫適所從頃
聞別定一官釐整受教而事久未竣今當並此二
書同加修正以入新制也採先正章疏者粵自宣
祖以來名儒宏輔各上章牘懃懃懇懇繕兵救民

之意次第具列及至癸亥反正內經虐政外當鉅
敝一時諸臣審証施藥無不中窾揆之今日雖其
言或用或否其弊或存或亡要當叅考採取以完
其制昔者魏相相漢悉取賢臣賈誼鼂錯董仲舒
之說而行之宣帝之治於是為盛可謂得其要道
矣革舊弊者法弊民瘼固難以疏舉如宣仁朝諸
臣章奏所論十未行二三矣頃歲更化之初亦嘗
詢問弊瘼於各道郡邑終以與時制掣肘莫能通
變今以其最甚者言如創設衙門日新月盛外則
屯田募民內則積金通貨必以大臣而摠領之諸

將而管轄之以至位尊勢重臺諫不敢論執政不敢決此則公而害國矣如國俗奴婢之法中朝所無而上有諸宮家士大夫下至市井鄉曲必務多買而世役之至於庄業又各設置或乃富連阡陌權制守宰使官不得收稅吏不得發奸國禁莫行經八日縮此則私而害國矣其他所以蠹國而害民者頭目名色不一而足今當大為經理於其公私兩弊多者損之分者合之過者裁之非者削之俾得各有限制庶幾上遵祖宗之規下絕臣民之罪也頒新制者蓋人存政舉人亡政息然亦不可

以無人而廢法今既釐革弊政以述祖典則當定著為一書名曰續大典以垂永世使後舜章之君克憲之臣有所持循久而不壞方為大正矣

受教輯錄

見藝文考

肅宗戊寅成

大提學李畬序曰欲遵先王之法當得先王之心心存則政存政存則法無不舉雖其科條節目之間時或有消息弛張而其為政一也續錄作而大典為益明輯錄緘而續錄為益備要以措世安康納民軌物不失於先王立法之本意吁其至矣然法雖美行之為貴成周之衰非無法也不能行也

此又豈非緬世之所當戒者哉副今以往雖添編至億萬世惟克紹先王之心以修先王之政則國家無疆之業當愈久而愈隆矣豈不休哉

典錄通考

見藝文考

肅宗丙戌成

補英宗四年同知事宋寅明筵啓我朝經國大典制度纖悉盛水不漏雖以其中微細事如官納者自縣等語觀之誠如此法則豈有船人輩無面之弊而馴致和水之患者乎此等良法今皆弛廢故百度壞亂衆瘼紛生今若申大典中闕而不舉者而行之則可做一代之治矣向聞有以修明大典

陳白而其後無所修舉只歸文具良可慨然臣謂大典中可以行於今而無弊者著實舉行則必多有益於措治之道矣上曰雖以微細事觀之欲使民無弊原可知祖宗朝法制之美意也小事如此況其他乎然因時損益似不可已今若一切行古制則恐或有騷擾之患先行其順於民者立信於民而後可以漸次修明矣今此一初之政不當只為文具而止臣諗既已發端出與工曹判書抄出五禮儀經國大典中可以行之而無弊者後日次對與三公商議稟定可也

補十年刑曹叅議李衡佐筵啓經國大典有前後續錄續錄後有受教輯錄而與大典或不無抵牾者故後撰典錄通考此則大典受教分類而成者也頒布遵用今已三十餘年而厥後新受教亦幾至數三卷此皆成典外一時裁斷者本曹則多用新受教外州則專用成典京外用法以此大相不同實有乖於劃一之政上曰稟處可也

補右議政金興慶筵啓曾因前刑曹叅議李衡佐陳達典錄通考刊行新受教損益刊布事有令廟堂稟處之命矣刑曹是掌法律衙門令刑曹判書

尹陽來哀聚前後受教與律官釐定成秩以為遵
用之地何如刑曹判書尹陽來曰典錄通考戊寅
年始為刊行而其後受教之遺漏者既多其後年
年領下事目與受教甚多雖有隨下隨謄之草冊
而不為類聚錯亂無序且謄書既久紙弊字缺將
無以考見舉行誠為可悶今欲收聚前後受教及
事目抄出分類以為便覽之地戶曹判書李廷濟
曰典錄通考乃故相臣崔錫鼎合大典與受教輯
錄編成者蓋受教輯錄以後前後受教之或下京
司或下各道者尚未能通融編輯故京外照律或

有輕重之不同臣亦附陳疏末李衡佐亦有所仰
達矣令刑曹收聚而法律釐正至重刑曹不可獨
為勾管畢竟與大臣諸宰確處似宜矣上曰聚議
廟堂可也

補二十年命本司差堂郎聚受教釐正抄錄

詳見恤刑

續大典

見藝文考

英宗甲子成

刑典凡二十七目曰決獄日限

一條

曰囚禁

六條

曰推

斷

五十條

曰禁刑日

二條

曰濫刑

七條

曰偽造

六條

曰恤囚

四條曰逃

四條曰捕盜

十三條

曰贓盜

九條

曰元惡鄉吏

一條

曰告尊長

二條

曰禁制

二十條

曰訐寃

五條

曰停訟

一條

曰賤妻妾子女

條五

曰公賤

條十四

曰私賤

條十四

曰殺

獄

條十八

曰檢驗

條三

曰姦犯

條六

曰赦令

條七

曰贖良

條七

曰補充隊

條三

曰聽理

條二十

曰文記

條八

曰雜令

條十三

摠二百六十三條

補先是世宗哀輯國朝典憲倣周禮作為六典至

世祖朝折衷六典以為經國大典其後多有因革

損益則成宗朝有續錄焉中宗朝有後續錄焉肅

宗朝有典錄通考焉雖皆羽翼大典然各為一書

眩於考據至是上命設纂輯廳以刑判徐宗玉戶

判金若魯禮判李宗城前參判李日躋金尚星前

承旨具宅奎等六人分掌六典差卽廳九人以續
錄通考及各司掌故之書一從大典之凡例規模
彙類成書、成上親書一心乃公為官擇人均貢
愛民節用蓄力修舉五禮毋墜舊典愛恤武士以
嚴直衛大公欽哉勉守法文勤於職任飭勵百工
各以二句弁于六典又製綸音勉戒後昆

御製題辭曰古往今來有國有典經國大典我國
典章撰文之由纖悉序文金科玉條開卷瞭然如
我涼德何敢增撰今者續典只輯三錄大抵自古
法久生繁漢初立法不過三章漢文除刑其繁可

知其代若干猶有此弊其况我朝三百餘年法上
生葉奚言漢時法文日繁綱領漸紊官吏舞弄民
莫措手欲撰續典非今臆料粵昔兩朝先正獻議
今又未遑復待何時特命設廳續成六典爰命詞
臣特製其文于今題首意蓋深也考諸往牒漢宋
補厚宣效漢宋當法祖宗列聖盛德垂法仁厚世
降俗末舊風漸掃觀今續典大要在茲其要伊何
曰寬曰厚其他節文有司存焉噫咨後昆念茲在
茲宣究細節當察大意若曰此書六典節目是宣
予意亦宣民效昔漢東平居家樂善漢之昭烈勅

子為善寬也厚也其本即善今予於此亦有提曉
柔懦非善性善是善省察此際惟誠與敬欽之恤
之是乃敬也實體實遵是亦誠也筆削秋典緝書
此文吁嗟此心可質蒼天噫我後昆其可忽乎莫
曰言教式體訓勅

小識復勅羣工曰今者大典續成意固在也一時
令飭便作受教自有律文隨時低昂官吏眩於奉
行小民莫能措手輯三錄成續典刪其繁正其要
頒此典之後復蹈前轍則纂輯之意焉在此後雖
有飭教者若非載於金石之典作為不刊之文則

俾勿混錄祛其浩繁關係法文者相考皇朝律無
可據然後稟旨定律若各隨己意任自弛張者脩
局政院察推一以飭因循混雜一以信頒布續典
藝文提學元景夏序曰夫武王周公之達孝不過
曰善絀人之志善述人之事於休我殿下仁民愛
物奉若先王之政良法美度允符周官而不顯丕
承亶本於闕睢麟趾之化此孔聖所稱絀志述事
而達孝之至者也而况除壓烙減全徙德意藹然
可以迓續景命則漢文之除肉刑固不足多而堯
舜無刑之治臣將拱手而俟矣

補大司諫南恭溫疏曰今此續典纂輯之舉實出於損益舊章垂裕後昆之聖意汗簡總畢印役方張此是百世不刊之典豈不可十分慎重使無一毫未盡善之歎其中大節目已經睿裁無容更議而至於小小條目之載於各典者則或不無踈謬之慮今雖更命堂卽逐旋厘正而既成之書或以攢那添刪為難因循置之則其為害不止於一時法令之失而已昔在祖宗朝或有刑定律令之事則必兩司署經而後方始頒行此固重法曲集衆見之義意臣意則更加申飭堂卽專意照檢稟裁

厘改仍集三司於朝堂使之一一勘過金科玉條
燦然明備無可指議是臣區區之望也

補二十四年左議政趙顯命筵啓刑獄中殺獄尤
重而我國遵用者不過無冤錄而無冤錄中文字
多有不可攷解處亦多訛誤不成文理處矣前下
洗冤錄平冤錄最詳脩又有未信編亦好若以無
冤錄較準於此書有所厘正又為之分類而增刪
之以為成書則其於殺獄檢驗大有所益具宅奎
有見識善編書且給筆札使之成書何如從之
補四十六年左議政韓翼謩筵啓經國大典續大

典我朝之闕石和句也續典頒行之始必令各司
明習施行而有司之臣不能遵用有法不行不如
無法為小民者安知法意近來人輕犯法未必不
由於是請令六官之長自今為始申明法意更飭
所屬各司遵用大典無或踰越如有違者臣等隨
其所聞仰請責罰無或饒貸則宜有其效敢此仰
達上曰所奏切實依為之

續欽恤典則

見藝文考

今上戊戌成

續御製綸音予即祚元歲丁酉夏六月命有司臣
編欽恤典則八閱月書始成粵翌年正月頒諸中

外又命館閣臣著為跋以傳永久嗚呼古者正月
之吉司寇布刑乃懸刑象之法于象魏使萬人觀
夫陽春布德生意藹然王者體天行政可布德不
可布刑也然經曰監于茲祥刑刑而為祥則布刑
於布德之辰可以見聖人之心也蓋刑者輔治之
具也使民而遠罪以有是也使民而遷善亦以有
是也欲其不干于是也如其干也而又底慎於適
輕適重之分惟辟匪辟惟宥匪宥欽哉恤哉期于
無刑豈非祥歟予為是明于刑之中內而官府外
而州縣職之高下用有其等罪之小大律獲其平

惟齊匪齊有倫有要肆迺暈成典則復為圖為尺
度可開卷瞭如也茲皆先王之舊典而寡人特一
之而已也凡我掌法之官以寡人之心為心受王
嘉師咸中有慶則庶不負先王欽恤之意也夫

續御製刑具釐正編音予嘗觀諸宋時古事藝祖
卽一中主慮其獄囚之瘦死開國之初命諸州長
吏恤繫囚又以署盛詔獄吏五日一檢視洒掃獄
戶洗滌杻械貧者給食病者給藥小罪卽時決遣
自是歲以為常寡人以為趙宋累百年基業之綿
遠者未必不基於斯矣况我列祖欽恤之盛德卽

我家傳授心法予小子叨承丕緒敢不式克欽承
對揚休烈之萬一也哉凡係欽恤之政固當隨處
惕若而今當暑月又值三伏死囚之滯獄者累被
桁楊之餘繫之枷而鎖以杜真所謂蓬頭鬼形與
鳥獸無異者也噫當刑而不刑當殺而徑放適足
為啓僥倖之門增罪戾之道殊非刑期無刑之義
初不可擬論而其於審恤之政勿以大罪小罪而
區而別之一倣宋朝之故事舉而行之抑或為欽
哉之一道咨爾京外有司之臣其宜惕念者至若
刑具制各有度笞杖之長廣圓徑枷杻之尺寸斤

兩視罪深淺而異其制焉卽是不易之闕和也近
聞京外決獄之地率多不遵法制之歎以已之私
而法亦隨而低昂不免為官長歸怨之具可勝寒
心噫法者天下平也雖以人主操其柄而御其權
猶且不敢以一毫偏私干於其間况乎命吏哉可
併知委京外恆因斷獄之際體予申勤之教恪勤
遵行予聞化自近出政由內始京司之獄如彼其
雜亂則外邑奚論刑房承旨馳往法府法曹取其
笞杖枷杻之不如法式者一併收聚照法準視條
列以聞外邑鱗次差遣御史抽柱憑驗如其犯者

隨現重繩斷不饒貸諸道方伯及居留之臣先為發送褊裨逐邑摘奸劃卽厘正已前之違越格式者非止一二年之弊則諸道查閱之時雖有現發者除非大不法之刑杖外屬之令前姑勿上聞只可俾卽革除事一體知委

續御製棍制厘正綸音日昨以法府法曹笞杖等格式之一遵法度有所敕令軍門之棍杖即軍中之法杖以是昨有各營棍制厘正之命矣蓋此厘正之命不欲偏大偏小如提廳之太大守廳之太小也予意祇在適重適輕均其不均無甚大甚小

之殊也若或未會予意欲準偏大之制則是欲均不均之制而反致傷人之患欲均偏小之制則可以啓亂紀蔑律之弊而又可以增用棍之度數具非予厘正之本意各營棍杖一併收聚詳細閱視叅酌折衷均一定制開錄啓聞至於一營之中大將與將官所用之棍制本有大小亦當從前日差等之例均齊厘正此雖小事亦宜遠慮其來後之弊無或使紀律流而至於懈嚴而至於酷其令各營將臣以此知悉至於真木之棍先朝既有禁令而今已久矣安保其更無造用者乎或有營中留

置者一一鳩集速即燒火以聞

續大典通編

今上乙巳成

續判中樞李福源序曰六典之名昉於周禮而更後數千年莫之或改蓋取象于天地四時叙次于職官憲章六為自然之數而典為當然之則也洪惟我朝聖作明述井井焉彬彬焉一洗羅麗之陋權輿乎經濟六典大成乎經國大典錯綜于前後三錄會通乎典錄通考至我聖朝續典之作而一王制作之盛列聖損益之義燦然具矣然而原典為大全續典為補編而編帙既異不相聯屬祇見

其補則無以得其全也自甲子迄今日絲綸之屬
於闕和者亦非一二而諸司謄錄漫無統紀尋流
而或昧於源稽往而或遺於來舉行易眩舞弄多
端此通編之所以不得已也惟我聖上粵自御宇
圖理之初夙宵兢兢惟制度是謹惟命戒是審憲
必監先謨必裕後講於厦氈之內修於堂皇之上
行於官府都鄙之間者不惟措諸今必思徵諸古
不惟施之一時將以垂之萬世是書之名以通編
者通諸編為一編也雖為一編而原續與增補標
而別之示先後也分門列目一從原典重本始也

官有增減法有沿革而減與革亦書者存舊觀也
改橫省為直行刪繁文從比類者便攷檢也是書
一出而前聖後聖之良法義制秩然咸載簡而無
漏詳而不費今昔同異條列初因開卷瞭然如指
諸掌中外有司之臣按而行之無待乎考掌故詢
胥吏矣斯實我聖上文理察察之工溢于政教旁
及編纂指授大體裁稟細目以若小卷帙成若大
典則不亦盛乎

續

秋官志

見藝文考

今上癸卯成

續

典律通編

見藝文考

今上丁未成

續決訟類抄

五刑圖

附獄具圖六贓圖
杖贖式准計式

臣謹按五刑一曰笞笞者恥也凡過之小者
捶撻以恥之漢用竹後世更以楚書曰扑作
教刑是也二曰杖杖者持也可持以擊也書
曰鞭作官刑是也三曰徒徒者奴也蓋奴辱
之周禮曰其奴男子入于罪隸置之圜土而
教之有年數而捨四曰流書云流宥五刑謂
不忍刑殺宥之于遠也五曰死乃古大辟之
刑也笞刑五自十至于五十杖刑五自六十

至于百徒刑五自一年至于三年流刑三自
二千里至于三千里死刑二曰絞斬如其不
得已而用之則不過曰欽恤而已

刑		笞				
杖者謂人 有輕罪 用小荆 决打	刑	五十	四十	三十	二十	一十
		杖				
		一百	九十	八十	七十	六十
		徒				
		三年杖一百	二年半杖九十	二年杖八十	一年半杖七十	一年杖六十
刑		流				
流者謂人犯 重罪不忍 刑殺流去 遠方終身	刑	杖一百	三千里	杖一百	二千五百里	二千里
		死				
		斬		絞		
		異處	身首	肢體	全其	
		刑之				

序及長廣脊厚
刻誌其上
長廣脊厚刻誌
其上
長廣脊厚刻誌
其上
腿分受治盜棍三
序及長廣脊厚刻
誌其上

制
兵曹判書軍門
三軍門都提調
內兵曹都總府
軍門把總哨官
捕盜廳留守監

兵曹判書軍門
軍門從事官軍
司統制使兵使

之
大將留守監司
大將禁軍別將
門別將千總禁
水使討捕使兼

捕盜廳軍門中
軍將左右巡廳
僉使別將萬戶

式
統制使兵使水
軍留守監司統
營將兼營將虞
討捕使遑地守

制使兵使水使
候中軍遑地守
令遑將治盜及

使用之而非死
討捕使及軍務
令遑將四山叅
治關係遑政松

罪勿用

用之

三品以下用之

權管用之

政者用之

使星二品以上

軍及軍務使星

續欽恤典則刑具之制

經國大典續大典並無枷制今若依大明律

原編所載刑具

並大明律

施行則大有掣碍稟旨酌量輕重別為定式

枷長五尺五寸頭濶一尺二寸

比大明律減三寸

死罪重二十二斤

比大明律減三斤

徒流重十八斤

比大明律減二斤

杖罪重十四斤

比大明律減一斤

並以乾木為之輕重刻

誌其上

獄具圖附

五

自一十至五等
每十下為一等加減

五

六十至一百為五等亦每十下為一等加減

五

事自一年至三年為五等每杖一十及半并為一等加減

三

不得還鄉自二千里至三千里為三等每五百里為一等加減

二

極者

答

大頭徑二分 小頭徑一分 長三尺 五寸 以荆條為之須削去節目用官

杖

大頭徑三分 小頭徑二分 長三尺 五寸 以荆條為之亦須削去節目用

訊杖

長三尺三寸 上八寸圓 徑七分 下二寸 八廣八分厚二分 惟鞠則廣九分厚四分 三省則廣八分厚三分並用 以荆條為之其犯重罪賊證明白不服招承

枷

長五尺 五寸 頭闊一尺五寸 以乾木為之犯重罪重二十

杻

長一尺 六寸 厚一寸 以乾木為之男子犯死罪

鐵索

長一丈 以鐵為之

鐐

連環 共重三斤 以鐵為之

軍 門 棍				
<div>續棍制<small>欽 典 則</small></div> <div>重棍</div> <div>長五尺八寸 廣五寸 脊厚八分 用營造尺 以柳木為之但 治犯死罪者臀 腿分受重棍二</div>				<div>降較板 如法較 勘應決 者用小 頭臂受</div> <div>官降較板 如法較勘 應決者用 小頭臂受</div>
<div>行用 大棍</div> <div>長五尺六寸 廣四寸四分 脊厚六分 用營造尺 以柳木為之治 犯罪者臀腿分 受大棍二字及</div>				<div>明立文案 以下端打 膝下不至 臙脚一次 毋過三十 度</div>
<div>行用 中棍</div> <div>長五尺四寸 廣四寸一分 脊厚五分 用營造尺 以柳木為之治 犯罪者臀腿分 受中棍二字及</div>				<div>五斤徒 流重二 十斤杖 罪重一 十五斤</div>
<div>行用 小棍</div> <div>長五尺一寸 廣四寸 脊厚四分 用營造尺 以柳木為之治 犯罪者臀腿分 受小棍二字及</div>				<div>者用扭 犯流罪 以下及 婦人犯 死罪者 不用</div>
<div>治盜棍</div> <div>長五尺七寸 廣五寸三分 脊厚一寸 用營造尺 以柳木為之但 治盜賊及關係 邊政松政者臀</div>				<div>犯輕 罪人 用</div> <div>犯徒 罪者 帶鐐 工作</div>

鎖項鐵索長四尺

鎖足鐵索長五尺

經國大典死罪囚枷杻鎖足

徒流以下枷杻

杻則今不用

杖罪枷

議親功臣及堂上官士族婦女犯死罪鎖項堂
下官庶人婦女鎖項足杖罪則鎖項關係宗社
者不在此限特教亦不在此限

補

臣

謹按原編五刑圖俱是大明律刑制而

與原續兩典少有異同當于戊戌又纂欽恤

典則見今行用者率是新定節目為囚求生

之意藹然於徽墨之中茲以編次於五刑圖

六賊圖

附○監守及常人盜不分首從併贓論○枉法各主者通筭全科○竊盜以一

主為重併贓論○不枉法各主者通筭折半科罪○半科罪○坐贓各主者通筭折半科罪

監守盜

常人盜竊枉法不枉法

坐贓

答二十

一貫以下

三十

一貫至一十貫

四十

二十貫

五十

三十貫

杖六十

一貫以下四十貫

七十	八十	九十	一百	徒 一年	一年半	二年	二年半	三年	二千里	流
				杖六 十	杖七 十	杖八 十	杖九 十	杖一 百	杖一 百	
一貫以下	一貫以下	一貫至二 貫五百文	五貫	七貫五 百文	一十貫	一十二貫 五百文	一十五貫	一十七貫 五百文	二十貫	
一貫以下	一貫至 五貫	一十貫	一十五貫	二十貫	二十五貫	三十貫	三十五貫	四十貫	四十五貫	
一貫至 一十貫	二十貫	三十貫	四十貫	五十貫	六十貫	七十貫	八十貫	九十貫	一百貫	
五十貫	六十貫	七十貫	八十貫	一百貫	二百貫	三百貫	四百貫	五百貫		

[illegible]

五十

綿布一疋代錢
文三兩五錢

杖六十

綿布一疋七尺代
錢文四兩二錢

七十

綿布一疋十四尺
代錢文四兩九錢

八十

綿布一疋二十一尺
代錢文五兩六錢

九十

綿布一疋二十八尺
代錢文六兩三錢

一百

綿布二疋代
錢文七兩

徒一年

綿布二疋代
錢文七兩

一年半

綿布三疋代錢
文十兩五錢

二年

綿布四疋代
錢文十四兩

二年半

綿布五疋代錢
文十七兩五錢

三年

綿布六疋代錢
文二十一兩

流二千里

綿布八疋代錢
文二十八兩

二千五百里

綿布八疋二十二尺六寸代
錢文三十一兩二錢六分

三千里

綿布十疋代錢
文三十五兩

絞

過失殺人○綿布十四
疋代錢文四十九兩

準計式

附

罰俸錢十日

准答
一十

罰俸錢半月

准答
二十

罰俸錢兩月

准答
五十

充軍

准杖一百
徒三年

邊遠充軍

准杖一百
流三千里

為奴

准杖一百
流三千里

刑推一次

准杖一百

東國文獻備考卷之一百四十七

東國文獻備考卷之一百四十八

校正

刑考九

諸律類記

一〇附
廢律

臣謹按大明律即我朝之遵而用之者也經國大典成而大明律為益明續大典成而經國大典為益脩苟有犯科者有司必於此三者原究而比擬之今若盡取而列錄之則律例繁複考據未易所以集三典之著宜隨五刑之條列參互而類聚之俾不至眩於援據

迷於擬斷若夫律之有廢刑之特除寔出於
列聖朝仁厚惻怛慎刑獄重人命之意於虜
休哉謹係于末

答一十

內外官負除職後無故不赴任過限一日者

每十日加一等

罪止杖八十○舊官無故十日之○大小官負無故

外不離任所者減二等附過還職在內不朝參在外不公座署事及官吏給暇限滿無

故不還職役一日者

每三日加一等罪止杖八十附過還職

○各衙門

官吏給由到吏部限五日付勘完備而吏典遲一日

者

每一日加一等罪止杖四十○首領官減一等

○吏部吏典漏附各衙門

官負行止一人至三人者每三人加一等○官文書

吏典籍程一日者每三日加一等○首領官減一等○照刷文

卷時所屬吏典遲報一宗至二宗者錢糧刑名等事有所規避者從

重論○印鈔不行仔細致有漏印及倒用印一張者每三

張加一等○府州縣催辦事務定限發信牌督併

後過一日不銷繳者每加一等○丁夫雜匠承

差而稽留一日不著役及在役日滿而所司過一日

不放回者每三日加一等○丁夫雜匠在役及工樂

雜戶一日在逃者每五日加一等○受財者以

枉法從○負私債五貫以上而違約不還三月者每

重論

月加一等罪
止答四十
○羣頭羣副牧養驢騾一頭致死者每三

頭加一等過杖一百每十頭加一等罪止
杖八十徒二年○失去及損傷者減一等○羣頭羣

副牧羊四頭致死者每三頭加一等罪止
杖七十徒一年

半○失去
者減一等○官羊相驗分揀不一實一頭者每三頭加一等

罪止杖七十
○驛使承受官司文書誤不依題寫處錯去

他所違限四日者每三日加一等
○因公差乘官馬

牛駝騾驢者私馱物十斤外添載五斤者每十斤加
一等罪止

杖六十○當該官
知而容縱者同罪○因公差乘船車者私載物三十

斤外添載十斤者每二十斤加一等罪止
杖七十○當

該官知而容
縱者同罪○知強竊盜贓而受寄一貫以下者每

贓加一等罪
止杖一百

○良人以手足毆他人奴婢不成傷者

成傷以上減
凡關一等

○同姓無服尊長以手足毆卑幼不成

傷者

成傷以上減
凡關論

○期親以下尊長以手足

毆傷卑幼之妾者

他物毆傷
凡關二

○妻以手足毆夫

之無服卑幼不成傷者

成傷以上減
凡關論

○兄姊

以手足毆弟之妻及妻毆夫之弟妹及弟之妻不成

傷者

成傷以上減
凡關一等

○兄姊以手足毆傷弟之妾及妻

毆傷夫之弟妾者

他物毆傷
凡關二

○妾以手足毆夫

之弟妾不成傷者

成傷以上減
凡關一

○妾以手足毆傷夫

之妾子者

他物毆傷
凡關二

○先同居後不同居繼父

以手足毆妻前夫之子不成傷者成傷以上減凡關一等到死同凡人

論○同居緦父以手足毆傷妻前夫之子者他物毆傷以上

減凡關二等到死同凡人論○家長以手足毆舊奴婢不成傷者

成傷以上減凡關一等到死○罵人者互相罵者同罪○奴婢罵舊家長者

○應捕人一月不獲竊盜者○獄囚衣糧醫藥及患

病應脫去枷鎖杻應保管出外應聽家人入視等事

已申稟上司而過一日不施行者每一日加一等罪止答四十因而致

死者若因該死罪杖六十流罪杖八十補寶鈔庫不

徒罪杖一百杖罪以下杖六十徒一年補寶鈔庫不

行用心檢聞朦朧交收在內一張者每三張加一等罪止杖八十

○田結踏勘時佃夫及當該勸農官書負

明律以上大

冒告灾傷一負者每一負加一等罪○出直軍士射

侯時闕到者以上經國大典○改量時監官等以起為陳以

陳為起田形失實循私落漏用意妄冒一負者每一負加

一等罪止杖一百通計滿一結者杖一百流三千里

解負人同罪○土豪佃父之符同用奸者同罪○其

田全庫落漏者屬公○田結磨勘叩筭時各樣免稅復戶及流

來灾結任自增加一負者每一負加一等罪止杖一百

時用術筭負同○每年陳田起墾處守令監色一一

開錄報戶曹如有奸偽混雜一負者每一負加一等罪止杖一百滿

各衙門吏典禁子弓兵人等正官額外容留一人者

首領官答三十吏答四十每三人加一等並罪止杖一百罪坐所由○官吏應直宿而

不直宿者○上司因公事勾問所屬而事畢後不即

發落三日者每三日加一等○照刷文卷時所屬吏

典遲報三宗至五宗者每五宗加一等罪止答四十錢糧刑名等事有所規避者

從重論○首○照刷文卷時所屬吏典失錯及漏報

一宗者錢糧刑名等事有所規避者○戶籍時提調

正官首領官吏漏丁十口者每三十口加一等罪止

同罪○受財者計○應差丁夫雜匠而差遣不均平

一人者每五人加一等○丁夫雜匠在役及工樂雜

職以枉法從重論

罪止杖六十

戶五人在逃而提調官吏不覺者每五人加一等○

尊長應分家財不均平者及卑幼私擅用本家財物

二十貫者每二十貫加一等○檢踏災傷時官吏及

里長甲首失於關防致有不實十畝至二十畝者每二十畝

加一等罪里長部內田地無故荒蕪及不種桑麻

十分之一者每一分加一等罪止杖八十○人戶應耕種

田地無故荒蕪及不種桑麻五分之一者每一分加一等○

有人從倉庫中出而守把之人不搜檢者以致盜物

不覺者減盜罪二等夜直更之人不覺者減盜罪三等

直守官攢斗級庫子不覺者減五等並罪止杖一百○故縱者○負私債五十貫以上而違約不還三

並與盜同罪

月者

每一月加一等
罪止答五十

○陣亡病故官軍回鄉家屬行

糧脚力有司不即應付遲一日者

每三日加一等
罪止答五十

○

關津往來船隻守把人不即盤驗放行無故阻當一

日者

每一日加一等
罪止答五十

○官馬牛駝騾驢乘駕不如法

脊破領穿瘡圍繞三寸者

五寸以上
答五十

○官馬牛駝騾

驢羣頭羣副等不勤牧養十頭致瘦者

每十頭加一等
罪止杖一

百羊減三等

○牧馬之官不調習官馬一匹者

每五匹加一等
罪止

杖八十

○鋪兵稽留公文三刻者

每三刻加一等
罪止答五十

○公

文到鋪而鋪司不即遞送者○鋪兵遞送公文磨擦

及破壞封皮不動原封一角者

每三角加一等
罪止杖六十
○鋪司知而

不舉者同罪○出使人負常事違限一日者每三日加一等罪止杖六

十軍情重事加三等○驛官藏匿○承差人應解官

物囚徒畜產違限一日者每三日加一等罪止答五十承差人誤不依題寫處

錯去他所而違限者減二等○以手足毆人不成傷

者凡聞毆各條後下○期親以下尊長以手足毆傷

卑幼之婦者他物毆傷以上○以手足毆姊妹夫妻

之兄弟及妻毆夫之姊妹夫不成傷者成傷以上○

弟妹以手足毆兄之妾不成傷者成傷以上○妾以

手足毆夫之弟妹及弟之妻不成傷者成傷以上○

妾以手足毆妻之子不成傷者成傷以上○不曾同

居緦父以手足毆妻前夫之子不成傷者

成傷以上凡聞論

○以手足毆不曾同居緦父不成傷者

成傷以上凡聞論

妾以手足毆夫之期親以下總麻以上卑幼不成傷

者

成傷以上凡聞論

○監臨官吏家人私役使部民出百里

之外及久占在家使喚一名者

每五名加一等罪止杖六十

○徒

流遷徙充軍囚徒當該官司限十日外無故稽留三

日不發者

每三日加一等罪止杖六十○

○應捕人

一月不獲強盜者○應捕人兩月不獲竊盜者○應

斷決應起發罪囚當該官吏稽留三日不決發者

每三

日加一等罪止杖六十

○獄卒以手足非理毆打罪囚不成傷

者成傷以上以凡聞論○司獄官吏○推問罪囚時

同伴罪人在他處官司停囚待對者關文到後過三

日不發遣者罪每一日加一等○對問同伴罪囚時他

處官司雖違法移囚當處官司隨卽收問而囚到過

一日不受理者罪每一日加一等○詞訟對問得實原

告人別無待對事理而無故稽留三日不放者每三日加

一等罪止○被誣人無故稽留三日不放者每三日加

一等罪止○拘役徒囚應入役而不入役過三日者

每三日加一等○徒囚因病給暇病已痊可監役官

不令計日貼役過三日者每三日加一等○額造常

課緞疋工匠過限不納十分一者

每一分加一等罪止答五十○局官

減一等提調官吏減二等

○補典牧所官馬牛駝騾驢致瘦五十頭

者每五十頭加一等罪止杖一百○太僕司官又減三等

○以上大明律

答三十

照刷文卷時所屬吏典失錯及漏報二宗至三宗者

每三宗加一等罪止答五十○首領官減一等錢糧刑名等事有所規避者從重論○軍馬錢

糧刑名重事行移文書緊關字樣吏典傳寫失錯而

洗補改正者

首領官失於對同減一等常行字樣偶然誤寫者勿論故改補者以增減官文

書論○未施行者減一等

○戶籍時里長失於取勘漏丁十口以

下者

每十口加一等罪止答五十知情者與

○人戶

犯八同罪○受財者以枉法從重論

多餘占田而荒蕪三畝至十畝者每十畝加一等○

盜耕種他人田一畝以下者每五畝加一等○荒田減一等○強

者加一等係官○者又加一等○負私債二百五十貫以上違約而

不還三月者每一月加一等○罪止杖六十○京城夜禁一更五更

犯者二三四更○將行人誣執犯夜者抵罪○故官馬牛駝騾羣頭

羣副等不勤牧養一頭致死者每三頭加一等○過杖

罪止杖一百徒三年○失○瘦病官馬牛駝騾驢養

療不如法者因一而致死者一頭○答四十○每三頭○故

傷他人馬牛駝騾驢不堪乘用及殺猪羊等畜價不

減者○放官私畜產損食官私物者倍所損物計贓○重者坐贓論○

失者減
二等

○牧養人放官畜產毀食官物者○以手足

毆人成傷及以他物毆人不成傷者○奴婢以手足

毆良人不成傷者

凡成傷以上加
一

○同姓無服卑幼以

手足毆尊長不成傷者

凡成傷以上加
一

○弟妹以手足

毆兄之妻不成傷者

凡成傷以上加
一

○妻以手足毆夫

之同姓無服尊長不成傷者

凡成傷以上加
一

○

妾以手足毆夫之姊妹夫及正妻之兄弟不成傷者

凡成傷以上加
一

○妻之子以手足毆父妾不成傷者

凡成傷以上加
一

凡成傷以上加
一

○奴婢以手足毆舊家長不成傷者

凡成傷以上加
一

凡成傷以上加
一

○佐貳官罵六品以下長官者○應捕人兩

月不獲強盜者○應捕人三月不獲竊盜者捕盜官罰俸錢

月○杖罪人應禁而不禁者○杖罪人應枷而不枷

及脫枷者應枷而鎖者減一等獄囚自脫枷鎖杻及司獄官吏

卒私脫枷鎖杻者徒罪以上連加一等○擬罪

時皆須具引律令而違者○提調官吏不修圩岸及

修而失時者因而淹沒田禾者答五十○橋梁道路損壞而提調

官吏失於修理阻碍經行者以上大明律

答四十

官吏無故擅離職役者因而在逃者杖一百○倉庫

務場獄囚雜物之類主守應直宿而不直宿者○上

司擅勾屬官聽事及差占推官因而妨廢公務者屬官

承順逢迎○國家律令百司官吏不能講解不曉律者同罪

意再犯者○申六部文書錯誤有害於事者餘衙門文書錯

誤者答二十○軍務錢糧選法制度刑名死罪灾異及事

應申上而不申上者雖申不待回報○奉制勅及各

衙門出使回還後三日不繳納符驗者每三日加一

十○有所規○磨勘文書時上司駁問遲錯而刑名

造作等事過一季後不完不改正者每一月加一等

受財者計贓以枉法從重論○磨勘文卷時所屬官隱漏不報一

宗者每一宗加一等○官文書當該官吏增減以避

罪止杖八十

遲錯者未施行者減一等事干錢糧者一宗杖八十

從重論○上司知○戶籍時隱漏自己不成丁人口而不舉者同罪

不附籍及增減年狀妄作老幼廢疾以免差役三口

至五口者每五口加一等○戶籍時隱蔽他人不成

丁人口不附籍三口至五口者每五口加一等○戶

籍時提調正官首領官吏失於取勘脫十戶者每十戶加

一等罪止杖八十知情者與犯人同○議設鄉里耆

老時當該官吏不以本鄉年高有德人選充以罷閑

吏卒及有過人充應者吏卒及有過人杖六十○獄卒令人代

替者○有司官及監工官私役部民夫匠出百里之

外及久占在家使喚一名者每五名加一等○欺隱

田糧脫漏版籍一畝至五畝者每五畝加一等○田

土移坵搜段隱瞞糧額及詭寄田糧影射差役一畝

至五畝者每五畝加一等○受

將成熟田地冒告災傷一畝至五畝者每五畝加一等

○典買田土後不過割一畝至五畝者每五畝加一等

杖一○典當田宅園林碾磨等物限滿而典主不肯

放贖者○民人年未四十有子而娶妾者○軍民之

家廢銅不赴官中賣而私相買賣者○收受支給官

物時領物納物之人到有先後而主司不依次序收

支者○收受起解金銀提調官吏人匠須要足色而

成色不及分數者○抄劄八官家產而隱瞞田土一

畝至五畝者

每五畝加一等罪止杖一百

○抄劄八官家產而里

長與供報人同情及當該官吏知情隱瞞田土一畝

至五畝者

每五畝加一等罪止杖一百○受財者計贓以枉法從重論○失覺舉者減三等罪

止答五十

○守禦官及巡檢司差人於縣管地面常川巡

禁私鹽而所委巡鹽人初犯透漏者

再犯杖六十知情

故縱及容令軍兵販賣私鹽者與犯人同罪○受財者計贓以枉法從重論

○軍人犯私

鹽而本管千戶有失鈴束初犯者

再犯杖六十知情容縱

及通同販賣者與犯人同罪

○賣鹽了畢十日之內不繳退引者

○民間諸色課程年終不納齊足十分之一者每一分加

杖八十○私放錢債年月雖多不過一本一利而

違者以餘利計贓重者坐○見人有所買賣在傍高

下比價以相惑亂而取利者已得利物計贓論○在市

行使斗斛秤尺雖平而不經官司校勘印烙者○大

祀犧牲主司喂養不如法致有瘦損一牲者每一牲加一等

罪止杖八十因而致死者加○有官及軍民之家縱

令妻女於寺觀神廟燒香者住持及守門人不○朝

賀及迎接詔書所司不預先告示者已承告示而○

應入宮殿未著門籍而入或當下直而輒入及宿次

未到而輒宿者○宮禁宿衛及皇城門守衛人應直

不直者

在直逃者同罪○百戶以上加一等○京城門城門又減一等○親管頭目

故縱者同罪失覺察者減三等

○應從車駕之人違期不到及從而

先回還一日者

每三日加一等罪止杖一百○百戶以上加一等○親管頭目故縱者同

罪失覺察者減三等罪止杖一百

○宿衛人不帶兵仗者

輒離職掌處所答五

十別處宿杖六十管頭目知而不舉者同罪失覺察者減三等

○百戶以上加一等○親

出征

軍人獲到馬匹私下貨賣而買者

官軍人買者勿論

○買私

賣軍器者

官軍人買者勿論

○小旗所管軍人鈴束不嚴致

有違犯一名者

二名答五十

○總旗所管軍人鈴束不嚴

致有違犯五名者

十名答五十

○百戶所管軍人鈴束不

嚴致有違犯十名者

答二十名

○千戶所管軍人鈴束

不嚴致有違犯五十名者

答一百名

○軍官私家役使

軍人一名而不曾隱占歇役者

每五名加一等

○渡

船梢水如遇風浪不許擺渡而違者

故行開船至中流停船勤要船

錢者杖八十因而殺傷人者以故殺傷論

○私役弓兵一人者

每三人加一等罪止

杖八十○當該官司應付者同罪

○官馬牛駝驢驘相驗分揀不以

實一頭者

每三頭加一等

○馬牛及犬有觸舐踢咬

人而記號拴繫不如法者

有狂犬不殺者同罪因而殺傷人者以過失殺傷論

○故放令殺傷人者減毆殺傷一等

○故放犬令殺傷他人畜產者

倍

減價

○鋪兵遞送公文損壞一角者

每二角加一等

鋪司知而不舉者同罪○各縣鋪長所管鋪分失於檢舉公文

稽留及磨擦破壞封皮不動原封十件以上者提調官答

二十吏典○各縣鋪長所管鋪分失於檢舉損壞公

文一角者每二角加一等罪止杖八十○提調吏典

減一等○各縣鋪舍損壞什物不完鋪兵數少而提

調官吏不為補置及令老弱當役者○各衙門公差

人差使鋪兵挑送官物及私已行李者○起解軍需

管送違限一日者每三日加一等罪止杖一百○承

致違限減二等○事干軍務者○承差起解官物因

徒畜產而同差人自相替放者失囚者依○同居卑

幼引他人盜已家財物二十貫者

每二十貫加一等罪止杖一百

○

竊盜共謀者不行又不分贓者○故向城市及有人

居住宅舍放彈射箭投擲磚石者

傷人者減凡闕一等

○打捕

戶深山曠野猛獸往來處穿作坑穿及安置窩弓不

立望竿及抹眉小索者

傷人者減凡闕二等

○以他物毆人成

傷者○公使人毆打有司官及軍民吏卒以手足毆

非本管六品以下官不成傷者

成傷以上加凡闕二等

○流內

九品以上官以手足毆非本管五品以上若五品以

上毆三品以上官不成傷者

成傷以上加凡闕二等

○以手足

毆受業師不成傷者

成傷以上加凡闕二等

○雇工人罵家長

之總麻親者○官吏於訢訟人內闕有服親及婚姻

之家若受業師及舊有讎嫌之人聽移文回避而違

者○官吏爭訟等事令家人告官理對不許公文行

移而違者○監臨官吏及豪強之人接受所部內饋

送土宜禮物者

與者減一等○風憲官吏受者減三等

○出

使人所差去處接受饋送土宜禮物者

與者減一等

○巡

捕官捕獲盜賊剋留贓物不解官者○官吏人等詐

稱疾病臨事避難者

事重者杖八十○當該官司知而聽行同罪

○軍士

在鎮守處丁夫雜匠在工役所有疾病而當該官不

為請給醫藥者

因而致死者杖八十○已行移而所司不給者同罪

○失火燒

自己房屋者

近燒官民房屋者答五十
因而致傷人命者杖一百

○不應得為

而為之者

事理重者杖八十
謂律令無條理者

○應捕人三月不獲強

盜者

捕盜官罰
俸錢兩月

○徒罪人應禁而不禁者○徒罪人

應枷杻而不枷杻及脫去者

應枷而鎖
者減一等

○官司決罰

不如法者

行杖人
減一等

○在外各衙門長官及出使人員

所在處有犯罪而統屬官擅自推問者

無長官而次
官掌印者同

長官

○徒流罪囚唆其家屬具告罪名仍取囚服辨文

狀聽其自理更為詳審而違者

死罪杖
六十

○婦人犯姦

及死罪外監禁者○雖不待時罪人禁刑日行刑者

○造作不如法者

御用之物加二等○局官減工匠
一等提調官吏減二等○不堪用

及應改造者計所損
物價重者坐贓論

造作時局官不依期計撥物

料者

提調官吏
減一等

公廨及倉庫損壞而當該官吏不

即移文修理者

已移文有司而失
誤者罪坐有司

穿墻而出穢污

之物於街巷者

出水者
勿論

津渡處應造橋梁而不造

應置渡船而不置者

以上大
明律

山腰以上起耕而守

令不禁斷者

海運判官慢忽漕務無故上來者

漕船押領官每運以三十隻作綜到泊回發毋得先

後而違者

漕船致敗後二日內該邑守令不親往

代送鄉所者及厭其改色不肯盡數拯出任其浦民

偷食者及常時不能檢飭者

以上續
大典

答五十

稽緩制書及皇太子令旨一日者

每一日加一等罪止杖一百稽緩親

王令旨者減一等

○磨勘文卷時上司駁問遲錯而過一季

後錢糧不行追徵足脩十分之一者

每一分加一等罪止杖一百

受財者計贓枉法從重論以

○戶籍時里長失於取勘脫五戶以

下者

每五戶加一等罪止杖一百知情者與犯入同罪

○田宅盜賣搜易及

冒認若虛錢實契典買及侵佔他人田一畝屋一間

以下者

每田五畝屋三間加一等罪止杖八十徒二年係官者各加二等

○官吏任

所置買田宅者

○典買田宅不稅契者

○官司車船

店舍碾磨等物主守私自借用及轉借與人者

借者同罪

○許計雇賃錢重者嫁女已報婚書及有私約而

輒悔者

雖無婚書曾受聘財者同罪

○定婚後男家悔者○定婚

者雖納聘財期約未至而男家強娶及期約已至而

女家違期者○監臨主守將係官什物私自借用及

轉借與人者

與者同罪

○收受支給官物當該官吏無故

留難刁蹬不即收支一日者

每三日加一等罪止杖六十徒一年○守門人

留難者同罪

○軍人犯私鹽而本管百戶有失鈐束初犯

者

再犯杖六十三犯杖七十

○客商匿稅及賣酒錯之家不納課

程者○客商入門不吊引者○買牛馬不稅契者○

稅務官諸色課程不用心虧允十分之一者

每一分加一等

罪止杖一百

○城市鄉村官牙埠頭容隱私充之人者

私充

者杖六十

○器用之物不牢固及絹布之屬純薄短狹而

賣者○大祀及廟享所司不將祭祀日期預先告示

諸衙門者

因而失誤行事者杖一百○已承告示而失誤者罪坐失誤之人

○大祀

牲牢玉帛黍稷之屬不如法者

一事缺少者杖八十一座全缺者杖一百

○中祀有犯者同罪

○房舍車服器物違式僨用者

有官者杖一百○工

匠并答五十

○僧道衣服用紗羅綾緞者

袈裟道服勿禁

○鄉黨

序齒及鄉飲酒禮已有定式而違者○軍官軍人從

軍征討後先歸者

因而在逃者杖八十○本管頭目知情故縱者同罪○知情窩藏者

同罪○里長知而不首者減二等

○羣頭管領騾馬一百匹而一年

內孳生駒八十匹者

七十匹者杖六十○羣頭所管不為用心提調者各減三等太

僕寺官又減二等

○監臨官將官馬牛駝騾驢私自借用或

轉借與人者

借者同罪○計雇賃錢重者坐贓論加一等

○舖舍損壞什

物不完舖兵數小而舖長不為補置及令老弱之人

當役者○公差人出外占宿驛舍正廳者○竊盜已

行而不得財者○毆人拔髮方寸以上者○宮內忿

爭者

聲徹御在所及相毆者杖一百折傷以上加凡闕二等殿內又通加一等

○妾子以

手足毆父妾不成傷者

成傷以上加凡闕三等罪止杖一百流三千里

○吏

卒罵本部六品以下首領官者○首領官及統屬官

罵六品以下長官者○雇工人罵家長之小功親者

○罵總麻兄姊者○妻妾罵夫之總麻兄姊者○越

訢者○八十以上十歲以下及篤疾者若婦人謀反

逆叛子孫不孝或已身及同居之內為人盜詐侵奪

財產殺傷之類外告狀而官司受理者○軍官軍人

犯罪追問時本衙門首領官吏占愆不發者○管軍

官越分輒受民訟者○有詐稱使臣乘驛人而驛官

失於盤詰者有符驗應付者勿論官吏諸色人等典法囑托

公事者但囑即坐○當該官吏聽從者同罪○違令者謂令有禁制而律無罪名者

○徒流遷徒囚人役限內在逃一日者每三日加一

百仍發○徒流遷徒充軍囚徒未到配所中途在逃

配所

一日者

每三日加一等罪止杖一百仍發配所

○流罪人應禁而不禁

者○流罪人應枷杻而不枷杻及脫去者

應枷而鎖者減一等

○司獄官吏卒容縱外人入獄及走泄事情於囚而

罪無增減者○司獄官吏卒獄囚應請給衣糧而不

請給患病應脫去加鎖杻而不脫去應保管出外而

不保管應請家人入視而不聽囚以致死者

若囚該死罪杖

六十流罪杖八十徒罪杖一百杖罪以下杖六十徒一年

提牢官知而不舉者與同罪

得相容隱之人及年八十以上十歲以下若篤疾之

人皆不得令其為證而違者○對問同伴罪囚時輕

囚就重囚少囚從多囚囚數相等者以後發之囚送

先發處併問兩縣相去三百里外則各從事發處歸

斷而違者○死囚已決後殘毀死屍者○軍民官司

營造時計料財物申請及人工多少不實者已損財物及已

費人工則計所費○成造軍器不如法及織造綬疋

財物重者坐贓論○御用之物加二等○局官減工匠一等

龐麤純薄者提調官吏減二等○不堪用及應改造

者計所費物價○提調官吏不修河防及修而失時

重者坐贓論者毀害人家及漂失財物者加一○補厨子不品嘗御

膳者監臨提調○以上大牧場羣頭等遺失牛馬

一匹者每匹加一等○經國大典○四館所不察紙厚

打印者○軍籍時守令及監色等軍兵姓名住名字

錯及兩處疊錄二人以下者三人以上杖六十○八

直軍士軍裝雜物渝破執頃滿四件者重者杖八十○鴨

島栗島放養牛馬者○匠人未成才人定限傳習不

謹者訓誨匠人同罪○補度量衡造不如法印跡不明者以上續大

典續闕殺獄同推一次者二次三次者杖一百○大典通編

杖六十

上書奏事錯誤有害於事者甲六部錯誤有害於事者答四十其餘衙門文

書錯誤有害於事者答二十○奉制勅文各衙門出使回還後三

日不繳納聖旨者每二日加一等罪止杖一○私開

官司文書印封者視者○增減官文書者有所規避杖罪以上

加本罪二等罪止杖一百流三千里未施行者減一等
規避死罪者依常律○當該官吏自有所避增減

文案者○各衙門行移文書當該吏典及對同首領

官并承發湏使印信者全不用印者杖八十○千碍

糧者杖一百○戶籍時將另居親屬隱蔽在戶及相冒合

戶附籍而無賦役者有賦役者杖八十○戶籍時婦

人不附籍而無賦役者有賦役者杖一百○戶籍時在官役

使辦事之人脫戶者每三戶加一等○戶籍時隱漏

率丁及妄作老幼廢疾以免差役一口至三口者每三

口加一等罪止杖一百○隱蔽他人丁口不附籍一口至三口

者每三口加一等罪止杖一百○乞養異姓義子以亂宗

所隱之人同罪

族者以子與異姓人為嗣者同罪○立嗣雖係同宗而尊卑失序

者○民戶逃往隣境而原管官司不移文起取者在

官司占恤不發及里長知而不逐遣者同罪○鰥寡孤獨及篤廢之人所

在官應收養而不收養者○功臣田土除撥賜外管

莊人不報官當役一卦至三卦者每三卦加一等罪止杖一百徒三年

里長及有司官吏踏勘不實知而不舉者同罪○夫喪服滿願守志而期親

強嫁者大功以下親強嫁者杖八十○同姓為婚者離異○官吏娶

樂人為妻妾者官貧子孫娶者同罪離異○洪武通寶銅錢與歷

代銅錢相兼行使而阻滯不即行使者○各倉收稅

糧時提調官吏未捧十分之一者每十分加一等罪止杖一百○受財

者計贓以枉法論○分○各倉收受稅糧時倉官斗

催里長欠糧人戶同罪

級多收斛面者杖一百餘糧數計贓重者坐贓論罪止

罪○攬納稅糧者

監臨主守攬納者加二等

○出征鎮守軍馬經

過去處行糧草料不即應付者○官物有印封記主

典不請原封官司而擅開者○抄劄入官家產而隱

瞞人口一口至三口者

每三口加一等罪止杖一百

○抄劄八官

家產時里長與供報人同情及當該官吏知情隱瞞

人口一口至三口者

每三口加一等罪止杖一百受財者計贓以枉法從重論

失覺舉者減三等罪止答五十

○私造斛斗秤尺不平在市行使及

將官降斛斗秤尺作弊增減者

同罪

○醫人厨子御

藥御膳料理揀擇不精者提調官○乘輿服御物收

藏修正不如法者追御差失○公差人負在外欺凌

官長者校尉期有犯者杖七十祇候禁子有犯者杖八十○天文垂象欽天

監官失於占候奏聞者○宮禁宿衛及皇城門守衛

人以應宿衛守衛人私自代替者替身同罪○在直

城門城門減一等各處城門減二等○百戶以上加一等

○親管頭目故縱者並同罪○失覺察者減三等

○守邊軍人私出外境擄掠而本管頭目鈐束不嚴

者故縱者○將帥閑撥軍器征守事訖不還納十日

者每十日加一等○人有路引馬無路引而私度關

津者人有引馬無引而冒他人馬毛色○公使人

度關津者同罪○越度者杖七十

經過處索借有司官馬者驢驢減一等○官○鋪兵

遞送公文沈匿及拆動原封一角者每一角加一等

事于軍機者不拘角數杖一百○有兩規避者從重論○鋪司不告舉者與犯人同罪○已告舉而官司

不即受理者減二等○各縣鋪長槩管鋪分失於檢舉沈匿公

文拆動原封一角者每一角加一等罪止杖一百○

府州提調官吏失於檢舉者各連減縣官吏罪一等○出使人枉道馳驛及經

驛不搜船馬者因而走死驛○出使人應乘駟馬隨

身依仗外帶私物十斤者每十斤加一等罪止杖

各衙門官及出使人使民人握轎者有司官應付者

家使佃客擅轎者同罪○病故官家屬無力不能還鄉者所在

官不為差人給糧遞送者○起解官物囚徒畜產不

親管送而雇人寄人代領送者○受寄受雇人減一等
有損失者依損失

官物及失
囚律論○常人盜倉庫錢糧等物不得財者○盜

賊刺字而起除字樣者○常人私和人命者○毆大

功親奴婢折一齒者折二齒以上者
各減凡聞四等○父祖為人所

殺而子孫擅殺讐人者登時殺
者勿論○吏卒罵本部六品

以下佐貳官者○佐貳官罵五品以上長官者○奴

婢罵家長之總麻親者○雇工人罵家長之大功親

者○罵小功兄姊者○罵總麻尊屬者○妻妾罵夫

之小功兄姊者○妻妾罵夫之總麻尊屬者○罵妻

父母者○雇工人告家長之總麻親者被告入減本罪三等○誣

告重者加所○有司官吏非奉上司明文因公擅自誣罪三等

科斂所屬財物者坐贓重者論○管軍官吏總旗小旗科

斂軍人錢糧賞賜者坐贓重者論○官吏宿娼者官負子孫犯者

同罪媒合○主守及押解人不覺失囚一名者每一人減一等

一等罪止杖一百○提調官及長押官減三等○徒流人發遣時提調官吏

不行如法枷杻以致囚徒中道解脫枷杻在逃一名

者每一名加一等○死罪人應禁而不禁者○死罪

人應枷鎖杻而不枷鎖杻及脫去者○罪囚不應禁

而禁及不應枷鎖杻而枷鎖杻者○應斷決死囚當

該官吏無故淹禁致死者

流罪杖八十徒罪杖一百杖以下杖六十徒一年

獄卒失於點檢致囚自盡者

司獄官典答五十提牢官答四十

○功

臣及五品以上官犯罪病死於獄中或配所或中道

則獄官及隨處官司差人引領親屬指闕面奏發放

而違者○罪囚審錄無冤而故延不決者

明稱冤抑而不為申

理自以八人罪故失論

○檢屍正官不即檢驗致屍發變及不

為用心移易輕重增減屍傷宜執致死根因不明者

首領管杖七十吏典及伴作行人杖八十

○應決死

囚覆奏後三日乃行刑而限未滿行刑及過限不行

刑者○死罪囚應絞而斬應斬而絞者

失者減三等○監

臨官吏於官局帶造緞疋者

工正減一等○局官知而不舉者同罪失覺察

三者減三等

○侵占街巷道路而起蓋房屋及為園圃者

以上

大明律

○諸將常時犯軍令死罪者○獻壽婚姻祭享

外用油蜜果者○街路供佛唱魂者○喪人庶人僧

人都城內騎馬者○新屬人侵虐者

以上經國大典

○軍籍

時守令軍兵草案付連梯脫漏連梯付草案脫漏二

人以下者

三人以上加一等

○諸道封山禁松材木偷斫一

株者○斗弁不準式者○其父與人鬪而被咬腐傷

致死於六十日之後其子擅殺讐人者○妻復夫讎

母復子讎擅殺讎人者○校書館掌務官領賜冊子

粧績不如法者

供奉御用之物加二等

○補松田放火時不得現

發者

受財故縱者以枉法律論

○補嶺阨禁養定標內放火時山直

監官不得現發者

受財故縱者以枉法律論

○以上續大典

杖七十

誤毀官文書者

遺失者同罪

○已受聘財而再許他人未

成婚者

已成婚者杖八十○男女有犯姦盜者不用此律

○官降

斛斗秤尺不如法者

提調官失於較勘者減一等知情者同罪

○軍官軍

人臨當征討稽留不進一日者

杖每三日加一等罪止杖一百○故自傷殘

詐為疾患以避征役者杖八十

○出使人應乘驢而乘馬及應乘中

下等馬而勒要上等馬者

因而毆傷驛官者加一等○驛官應付者減一等○

應乘上等馬而驛官却與中下等馬者罪坐驛官本驛無上等馬者勿論○和賣子孫為

奴婢者未賣者減一等○買人知情者○毆總麻小

功親奴婢折一齒者折二齒以上者○家長及家長

之期親外祖父母毆雇工人折一齒者折二齒以上者

○毆大功卑幼折一齒者折二齒以上者○妻毆

夫之大功卑幼折一齒者折二齒以上者○父祖為

入被毆子孫救護而還毆其人折一齒者折二齒以上者

聞三等至死依常律○吏卒罵本部六品以下長官者○奴婢

罵家長之小功親者○罵大功兄姊者○罵小功尊

屬者○妻妾罵夫之大功兄姊者○妻妾罵夫之小

功尊屬者○告總麻尊長者

被告尊長減本罪三等

○奴婢告

家長之總麻親者

被告入減本罪三等○誣告重者加所誣罪三等

○雇工

人告家長之小功親者

被告入減本罪三等○誣告重者加所誣罪三等

○

良人姦他人無夫婢者

女杖八十

○監臨官因公事非法

毆人折一齒者

折二齒以上者減凡聞三等○聽使下手之人減官負罪一等

○婦

人犯死罪而產後百日内行刑者

過限不行刑者杖六十○失者各減

三等

○補以威力制縛人之為從者

○補尊長毆卑幼之婦

內損吐血者

妾減一等

○以上大

○乘官馬致令折傷或

病者

經國大典

杖八十

罷閒官吏在外結攬寫發文案把持官府蠹政害民

者

再犯杖一百遷徒
有所規避者從重論

○貢舉非其人及才堪時用

應貢舉而不貢舉一人者

每二人加一等罪止杖一
百○所舉之人知情者同

罪○主司考試藝業技能而不
實者減二等○失時各減三等

○主守官物遺失簿

書以致錢糧數目錯亂者○各衙門吏典考滿替代

將原管文卷交付接管之人而不交付者

首領官不
候交割符

同給由
者同罪

○上書奏事誤犯御名及廟諱者

餘文書誤
犯者答四

十為名字觸犯者杖一
百二字犯一字者不坐

○軍務錢糧選法制度刑名

災異及事應奏而不奏者

已奏後不待回報而輒施
行者同罪○應申上司而

不申者
答四十

○各衙門遇有所屬申稟公事不與果決含

糊行移以致耽誤者所屬將可行事件不行○應行

文書同僚官代判署者因遺失文案而○調撥軍馬

供給邊方軍需錢糧文字首領官吏傳寫失錯而洗

補改正者未施行者減一等○有規避故改補者以增減官文書論○常行字樣偶然誤寫者

勿論○戶籍時家長全不付籍而無賦役者有賦役者杖一百

○戶籍時將他人隱蔽在戶及相冒合戶附籍而無

賦役者有賦役者杖一百○所隱之人同罪○軍民驛竈醫卜工樂諸

色人詐冒脫免及避重就輕者官司妄准脫免及廢亂版籍者同罪○

僧道不給度牒私自簪剃者住持及受業師私度者同罪○立嫡

子違法者嫡妻無子而不立庶長子者同罪○隱藏在逃子女及奴

婢者

隱藏迷失子女及奴婢者同罪

○居父母喪兄弟別立戶籍分

異財產者

○灾傷田糧有司官吏不即申報檢踏者

申報而上司不典委官覆踏者同罪

○毀人墳塋內碑碣石數者

婚時女家妄冒者

男家妄冒者加一等○離異

○卑幼在外雖有

自定婚必從期親以上尊長所定而違者○受財典

雇妻妾與人為妻妾者

典雇女者杖六十○知而典娶者同罪婦女不坐○離異

○居期親尊長喪而嫁娶者

妻不坐

○居父母舅姑夫

喪而與應嫁娶人主婚者○祖父母父母被囚禁而

子孫嫁娶者

娶妾者減二等

○娶姑舅兩姨姊妹者

外姻有服尊屬

卑幼共為婚姻及娶同母異父姊妹者妻前夫之女者各以姦論○離異

○同宗無服總

麻親妻及舅甥妻被出改嫁而娶為妻妾者娶被出妻者減

二等○離異○府州縣官娶部民婦女為妻妾者女家同罪○強

娶者加二等女家不坐為子孫弟侄○僧道娶妻妾家同罪

者寺觀住持知情者同罪○女家同罪假托親屬童僕為名求娶而自占者杖一百○離異○家

長與奴娶良人女為妻者女家知情者減一等○奴自娶者同罪家長知情者

減二等因八籍為婢者杖一百○離異改正○蒙古色目人不與中國為

婚姻而有相嫁娶者○妻無應出及義絕之狀而出

之者犯義絕而不出者同罪○雅犯七去有三不去而出者減二等夫妻不相和諧而願離者不坐

因夫逃亡三年內不告官逃去者杖一百改嫁者杖一

窩主及知情娶者同罪至死者減一等○婢背家長在逃者因而改嫁者杖一百

○奴逃者同罪

○各處徵收錢帛買辦軍需成造軍器等物

所在州縣差有職人貪類解本府而本府不即交收

差人轉解勒令人戶就解布政司者

布政司首領官吏不即交收勒

令各府就該部者同罪

○鹽商將官鹽押和沙土貨賣者○鹽

商中買鹽引增價轉賣沮壞鹽法者

買人同罪○牙保減一等

監臨官部內舉放錢債典當財物者

違禁取利以餘利計贓重者依

不在法論

○豪勢之人以私債強奪人孳畜產業者

估價過本

利者計多餘已物坐贓論

○官私地內掘得古器鍾鼎符印異常

之物而三十日內不送官者○賣買諸物兩不同

而把持行市專取其利及通同牙行賣物以賤為貴

買物以貴為賤者

已得利物計贓重者准竊盜論

○歷代帝王陵寢

及忠臣烈士先聖先賢墳墓上樵採耕種牧放牛羊

者○私家告天拜斗焚燒夜香燃點天燈七燈褻瀆

神明者

婦女有犯罪坐家長

○僧道修齋設醮而拜奏青詞表

文及祈禳火災者

○御膳之物厨子不潔精者

監臨提調

官減二等

○車馬之屬不調習駕馭之具不堅完者○聞

期親尊長喪匿不舉哀者

喪制未終釋服從吉者杖六十

○居父母

喪冒哀從仕者

當該官司知而聽行同罪

○祖父母父母年八十

以上及篤疾別無以次侍丁而棄親之任及妄稱老

疾求歸入侍者

祖父父母及夫犯死罪被囚禁而筵宴作樂者同罪

○有喪

之家托故停柩經年不葬者○居喪之家修齋設醮

及男女溷雜飲酒食肉者僧道同罪○文武百官軍人民

等無故直行午門外御道及御橋者守衛官故縱者同罪失覺察者

減三等若於御道上橫過係一時經行者不在禁限○車駕行幸時軍民之家

縱放牲畜守衛不脩衝突儀仗者衝入皇城門內者杖一百○各

處城門應開而誤不下鎖者非時擅開閉者杖一百○京城門加一等○

文武官及內官帶牙牌鐵牌厨子校尉入內帶桐木

牌而有牌不帶無牌輒入者備帶者及備與者杖一百○有所規避者從重

論○醫工承差閑領官藥隨軍征進轉雇庸醫冒名

代替者○軍人擄掠已附地面而本管頭目鈐束不

嚴者

故縱者與犯人同罪

○各處守禦官不操鍊軍士及城池

不完衣甲器仗不整者

杖一百

○將帥關撥軍器棄

毀一件者

每一件加一等二十件以上斬○遺失及誤毀者減三等軍人又減一等

○民

間私有應禁軍器一件者

每一件加一等○私造者加私有罪一等各罪止杖

一百流三千里

○管軍百戶及軍吏等縱放軍人買賣或私

種田土或隱占使唆空歇軍役一名者

每三名加一等罪止杖一

百充軍所隱軍人同罪

○無文引私度關津者

同犯入故縱者同罪○失盤詰

者減三等軍兵又減一等

○雖有文引冒名度關津者

家人相冒者罪坐家

長○守把之人知情同罪

○不應給路引之人請給者

當該官吏聽從者同

罪

○軍私為民民詐為軍請給路引者

當該官吏聽從者同罪○

○冒名告給路引及以所給引轉與他人者當該官吏聽從

者同○民人出百里之外而無路引者○遞送非逃

軍妻女出城者有所規避者從重論○出使人負應乘驛船馬

數外加乘一船一馬者每船一馬加一等○因而

應付者○進賀表箋及賑救飢荒申報災異取索軍

需之類重事故不給驛者常事不應給驛而○驛官

將驛馬私自借用或轉借與人者借者同罪○驛驢

錢重者坐贓○盜應禁軍器一件者每一件加一等

三千○盜他人墳塋內樹木者計贓重者加○略賣

子孫為奴婢者未賣者減二等○買人知情者○卑

幼棄尊長屍賣墳地而買人及牙保知情者○發子

孫墳塚開棺擲見屍者○殘毀子孫死屍者棄水中者同罪

○穿地得死屍而不即掩埋者○有主墳地內盜葬

者○地界內有死人里長地隣不報官檢驗而輒移

他處及埋葬者因而失屍者杖一百○夜無故入人家者○以

他物置人耳鼻及故屏去人服用飲食之物而傷人

者致成殘廢疾者杖一百徒三年篤疾者杖一百流
三千里○故用蛇蝎毒虫傷人者以聞毆傷論

○將已死期親以下卑幼及他人身屍圖賴人者○

妻妾子孫及子孫之婦奴婢雇工人為人所殺而私

和者受財者計贓准
竊盜從重論○毆人血從耳目中出及內損

吐血者○以穢物污人頭面者○佐貳官毆六品以

下長官者○官司差人勾攝公事而抗拒不服及毆

所差者內損吐血以上及本犯重者加○以威力制

縛人及私家拷打監禁者內損吐血以上○毆大功

親雇工人折一齒者折二齒以上者減凡聞二等罪

勿論○雇工人毆家長之總麻親者內損吐血以上○

夫毆妻及妻毆妾折一齒者折二齒以上者減凡聞

罪二○毆小功卑幼折一齒者折二齒以上者○非

理毆子孫之婦及乞養子孫致令廢疾者篤疾者杖

者杖一百徒三年故殺者杖一百流三千里○妄

減二等○依法決罰邂逅致死及過失殺者勿論

妻毆夫之小功卑幼折一齒者折二齒以上○毆已

故子孫改嫁妻致令廢疾者篤疾者杖九十至死者杖一百徒三年故殺者

杖一百流二千里○妾咸○吏卒罵本部五品以上

首領官者○首領官及統屬官罵五品以上長官者

○奴婢罵家長之大功親者○罵大功尊屬者○妻

妾罵夫之大功尊屬者○妾罵夫者罵正妻者同罪○匿名

書不即燒毀送入官司者官司受理者杖一百○被告者不坐○告殺

人及強盜而官司不受理者關毆及婚姻田宅等事不受理者減犯人罪二

等罪止杖八十○受財者詐贓以枉法後重論○告小功尊長者被告尊長

等○誣告重者○奴婢告家長之小功親者被告入

加所誣罪三等

三等○誣告重者○雇工人告家長之大功親者告被

人免罪○誣告重者○詐傳五品以下衙門官言語有

所規避者為從減一等○當該官○巡捕守把官軍

失於巡捕透漏偽造寶鈔者○官司追問時欲避罪

而故自傷殘者受雇債為人傷殘者同罪○無夫

女和姦者有夫杖九十○刁姦杖一百○男女同罪

○犯姦婦女從本夫嫁賣而本夫嫁賣與姦夫者姦夫

同罪○婦人離異○良人姦他人有夫婢者女杖九十○賭博財

物者開張賭坊之人同罪○賭飲○庫藏及倉廩內

燃火者○官吏懷挾私讎故禁平人者司獄官吏卒

同罪至死○因公事干連平人在官無招誤禁致死

者○官吏懷挾私讎故堪平人者折傷以上依凡聞論○同僚官及獄

卒知情共勘者與○犯死罪孕婦未產而行刑者失

同罪至死減一等○死罪囚不待覆奏面報而輒處決者○立春

以後秋分以前決死刑者○有司官吏不住公廨內

而住街市民房者因而埋沒公用器物○補守禦軍人

雇人冒名替代者替身杖六十並充軍○補越官府公廨墻垣者

越而未過者減一等○補巡檢司越分給路引者以上

大明○諸邑堤堰裨補所伐木耕田者○諸道漁箭

鹽盆漏籍者○倭野人押領人負不能檢飭放縱出

八侵擾諸邑諸驛者○有祿軍士無故滿二十五日

有故滿四十日不仕者

無祿軍士無故滿三十日有故滿五十日不仕者同罪

○乘官馬致死者

司僕寺祿官無官馬醫養馬等不謹喂養馬牛一匹生病或死者答

五十每一匹加一

○大小貧人用紅灰白色表衣白

笠紅靴者○酒器外金銀青畫白磁器者○闕內拜

跪背坐及加率跟隨者○宗親妻女有陰新婦外用

有屋轎子者○寺刹外用真彩者○用花席者○用

朱漆器者○用絲花鳳金銀露布花者○用焰硝者

○官舍及堂下官以下婚姻人用紗羅綾緞罽毯者

○濫收私債者○私占紫草塲者○奴婢選上闕役

者○相訟奴婢畢決後名數俱錄納官而不納者○

外方禁山直不種稚松者

該官杖六十

○以上經國大典

○各道

前銜生進幼學才行表著者一鄉人保舉守令而或

所薦人名實不副年歲冒錄者

京人止往來鄉曲者同罪

○

戶籍時統首任掌漏一口者

三口以上杖一百徒三年

○戶籍時監官色吏漏丁五口以上者

十口以上杖八十徒二年

○戶籍時增減年歲一年者

三年以上杖八十徒二年

年以上杖一百徒三年

○家長同罪漕運船押領差負三隻以上致

敗者

六隻以上降資八隻以上罷職

○方物布子納

布人厭憚精擇故為延拖不納者○身在喪中子之

替服未盡而經行婚禮者○進上物膳賚來人及驛

吏遲滯腐爛者○城門守直禁軍一人有闕者○守

令歲抄軍脫漏二人以下者三人以上降資○軍籍

時監色等軍兵草案付連梯脫漏連梯付草案脫漏

二人以下者三人以上杖一百○軍籍時守令軍丁加年九

人減年十四人以下者加年十人減年十五人以上降資加年二十人減年二十

五人以上○軍籍時守令軍兵與作散軍士保人雜類

擅便移定及漕水軍子枝移定陸軍及官屬各九人

以下者十人以上以上降資二○守令違法除軍四人以

下者五人以上以上降資○守令富實軍士搜定衙前及

案付軍丁以鄉吏雇工施行四人以下者五人以上降資七人

以上罷職○烽燧守令不能檢舉絕火者○市價刁蹇者

○不係厯案而亂厯者○士族家奴僕亂厯現捉而

家長拘留厯人徵還贖錢者○搆誣訟官者濫為者杖一百

事理重者徒三年○江上人都庫專利者○咨文表紙匠人

初次麓造者每次加一等○以上續罪止杖一百大典

杖九十

違親王令旨者失錯旨意者減三等○毀人神主者○有妻而

更娶妻者離異○妻在而以妾為妻者依本文○妄以

奴婢為良人而與良人為夫妻者離異○鹽商過批驗

所不經掣執關防者○上司官及使客經過若監察

御史按察司官出巡按治而各衙門官吏出郭迎送

者上司官容令不○擅入太社門者未過門限者減一等○守衛官

故縱者同罪失○官私馬牛毀食官私物因而殺傷

者駝驢杖七十猪羊准盜減三等追○期親以下

總麻以上卑幼為人所殺而私和者○佐貳官毆傷

六品以下長官者○毆總麻小功親雇工人折一齒

者折二齒以上者減凡聞一等罪止○雇工人毆家

長之小功親者內損吐血以上○毆總麻卑幼折一

齒者折二齒以上者○妻毆夫之總麻卑幼折一齒

減凡聞一等

者折二齒以上者○吏卒罵本部五品以上佐貳官

者○告大功尊長者被告尊長免罪○誣告三等○奴婢

告家長之大功親者被告入免罪○誣告三等○雇工人

告家長之期親及外祖父母者被告入免罪○誣告三等

○縱容妻妾與人通姦者姦夫姦婦同罪○縱容親女及子

孫之婦妾與人通姦者姦婦同罪○離○奴姦無夫

良女者女杖八十補千戶聽邊將指使出外境擄掠人口

財物者百戶杖八十○補關不由門津不由渡而越

度者守犯人知而故縱者同○明律○軍士常時

犯軍令死罪者○都城內外山漆木桑木果木伐取

者

分授人山直杖八十該
官杖六十木石同罪

以上經國大典

○內需司典守

奴等民間牛馬田地財產濫奪抑買而官貪通同作

弊者

續大典

杖一百

在朝官貪差遣及改除托故不行者○各衙門官定

額貪數外當該官添設一人者

每三人加一等罪
止杖一百徒三年

○

諸衙門朦朧保舉有過官吏者

匿過之人同罪

○各衙門官

吏增減行職日月更易地方改搜出身蔽匿過名報

吏部者

當該官吏符同者同罪○有
所規避及受職者從重論

○制書有違者

遠皇太子令旨者同罪
○失錯旨意者減三等

○棄毀官文書者

有所規避者從重論

○當該官吏知而不舉者同罪○文官犯罪應奏請而不奏請者已奏

而不待回報輒施行者同罪○有所規避者從重論○奉制勅出使不復命干

預他事者有所規避者從重論○各衙門軍務出使不復命干

預他事者常事杖七十○有所規避者從重論○近侍官貪漏洩常事

者○各衙門印信長官收掌佐貳官封記俱各畫字

若佐貳官有故許首領官封印而違者○總兵將軍

及都指揮使印信調度軍馬外擅出批帖假公營私

者首領官杖一百正官奏聞區處○府州縣催辦事務不遣信牌而

輒下所屬守併者○養父母無子而捨去者發付所養父母

收管○所養父母生子及本生父母無子則聽還○庶民存養奴婢者○有

司官吏科徵稅糧及雜泛差役放富差貧那移作弊

者

已告上司而不受理者杖八十
○受財者計贓以枉法從重論

○豪民令子孫弟

姪跟隨官貪隱蔽差役者

官貪容隱者同罪
○受財者計贓以枉法從重論

功臣四次容隱者同
罪三次以下住俸

○民戶逃往隣境躲避差役者

提調官吏及里長故縱者同罪
○隣境人戶隱蔽在已者同罪

○祖父母父母在而

子孫別立戶籍分異財產者
○灾傷檢踏時官吏不

用心止憑里長甲首朦朧供報瞞官害民者

因而徵免糧數

計贓重者坐贓論
以枉法從重論
○里長甲首同罪

○以妻妾妄作姊

妹嫁人者

妻妾杖八十
○娶者同罪
○離異

○逐婿嫁女或再招

婿者

知情娶者同罪

○居父母夫喪而身自嫁娶者

命婦夫亡再嫁

者同罪○嫁娶為妾者減二等○知而共為婚姻減五等○離異○父母之姑舅兩姨

姊妹及姨堂姨母之姑堂姑已之堂姨及再從堂姨

外甥女女婿及子孫婦之姊妹並不得為婚姻而違

者離異

○娶同宗無服親及無服親之妻者

妾減二等○離異

○監臨官娶為事人妻妾及女為妻妾者

女家同罪○強娶者

加二等女家不坐○為子孫弟姪

○妻背夫在逃者

妻減二等

○寶鈔與洪武通寶及歷代銅錢相兼行使而

違者○各衙門收受寶鈔時經手之人不用心辨驗

偽鈔者

民間關市不行辨驗

○內府承運庫收受金

帛餘剩之物擅將出外而守門官失於盤獲搜檢者

○倉庫官攢斗級庫子遞代時相沿交割之物不行

盤點見數指倉指庫交割者○買食私鹽者因而貨賣者杖

二百徒三年○鹽商將有引官鹽不於均該地面發賣轉

賣別境者杖六十○泛海客商將物貨停塌牙儈

之家不報官者供報而不盡者同罪○豪勢之人以

私債准折人妻妾子女者強奪者加二等○倉庫官吏私自

增減官降斛斗秤尺杖支官物不平者工匠杖八十

物計贓重者坐贓論○監臨官知○祀典所載致祭

神祇有司至期而失誤祭祀者不當奉祀之神而

軍民裝扮神像鳴鑼擊鼓迎神賽會者里長知而不首者答四十

○醫人合和御藥誤不依本方及封題錯誤者提調官減

○厨子造御膳誤犯食禁者提調官減二等○提調官及

厨子人等誤將雜藥至御膳所者所將雜藥能令自喫○門官及守衛

官失於搜檢者同罪○御幸舟船誤不堅固者篙棹之屬缺少者杖六十○提

調官減二等○私家藏玄象器物天文圖識之書及歷代

帝王圖像金玉符璽者私習天文者同罪○御賜百官文物

使臣不行親送轉付他人給與者○縱橫之徒假以

上書巧言令色希求進用者○見任官實無政跡輒

自立碑建祠者妄稱已義申請於上者杖八十○受遣之人減一等○僧道並

令拜父母祭祀喪服等第皆與常人同而違者○術

士於文武官負之家妄言禍福者○官吏父母死計

稱祖父母伯叔姑兄姊喪不丁憂者

無喪詐稱有喪舊喪計稱新喪

者同罪○有重論

○從尊長遺言將屍燒化及棄置水

中者卑幼減二等

○擅入太廟門及山陵北城門者

未過門限

者減一等○守衛官故縱者與同罪

○擅入皇城門

及禁苑者

官殿門杖六十徒一年未過門限者減一等○門官及守衛官軍故縱者同罪失覺

察者減三等罪止杖一百○無門籍冒名入者同罪

○宮禁宿衛及皇城門守

衛人以別衛不係宿衛守衛人冒名私自代替者

替

人同罪○枉直逃者同罪○百戶以上加一等○京

城門減一等各處城門又減一等○親管頭目故縱

者同罪失覺

○宮殿中直行御道者

守衛官故縱者同罪失覺

等減三○內府工作人匠不親身闕牌入內應役雇人

冒名私自代替者替之人同罪○應出宮殿而門籍已除

輒留不出及被告劾已有公文禁止而入者宿衛人已被奏

劾者本司不收其兵仗者同罪○宮殿門雖有籍至夜不得入而八

者無籍八者加二十○車駕行處文武百官非奉宣

嘎而輒入儀仗內者典仗護衛官軍故縱者○擅入

行宮外營門次營門者內營開帳門杖六十徒一年○越府州縣

鎮城者越而未過者減一等○飛報軍情內外軍民

衙門互相知會隱匿不速奏聞者○邊境取索軍需

不依式申報者已申報而上司不○臨軍征討時供

給軍器行糧當該官吏違期不完者○軍官軍人軍

臨敵境托故違期一日不進者○出征軍士獲到馬

匹不報官私賣者買者答四十○軍官軍人買者勿論○軍官軍人從

軍征討私逃還家及逃往他所初犯者本管頭目知

罪○里長知而不首者同罪○犯夜拒捕及打奪者○軍民應給

路引之人經過官司及停止官司倒給者巡檢司越

同罪○官豪勢要之人囑托軍民衙門擅出批帖影射

路引出入者當該官吏聽從者同罪○官豪之人乘船經過關

津不服盤驗者○民人遞送逃軍妻女出京城者各處

城門杖八十逃軍買求者同罪○守門人故縱者同罪○失盤詰者減三等軍人又減一等○受財者

詐贓以枉法從重論○將馬牛軍需鐵貨銅錢緞疋紬絹絲綿

私出外境貨賣及下海者批據該官及守把人通同夾帶

及故縱者同罪○失覺察者減三等軍兵又減一等○宰殺自己馬牛者駝驢狀

八十○病死而不申官開剥者答四十○故殺總麻以上親馬牛駝驢者與本主私宰罪同○故殺他

人駝驢驢者計贓重者准盜論○在外各衙門實封至御前公文上

司官令人於中道急遞鋪邀截取回而鋪司鋪兵容

隱不告舉者已告而所在官不即受理者同罪○朝廷調遣軍馬及

報警急軍務至邊將若邊將飛報軍情指朝廷文書

故不給驛者○盜各衙門官文書者有所規避者從重論○盜

關防印記者○盜倉庫門鑰者○和賣子孫之妾為

奴婢者

未賣者減一等○買人知情者同罪○牙保減一等

○子孫於祖父母

父母及奴婢雇工人於家長墳墓熏狐狸者 平治

他人墳墓為田園者○強盜共謀者不行而不分贓

者○謀殺人已行而未曾傷人為從者○里長知採

生折割人而不舉者

知造畜蠱毒而不告者同罪

○同謀共毆人

致死而為從不下手者○妻妾毆罵夫之祖父母父

母而夫擅殺者○將已死總麻尊長身屍圖賴人者

○鄉村無人曠野地內馳驟車馬因而傷人致死者

追給埋銀一十兩

○因事威逼人致死者

官吏公使人等非因公務威逼平民

致死同罪○追給埋銀一十兩

○總麻尊長為人所殺而私和者

○知同伴人謀害他人不昂阻當救護及被害之後

不告者○折人一齒及手足一指者○眇人一目者

○缺毀人耳鼻者○破人骨者○用湯火銅鐵汁傷

人者○以穢物灌人人口鼻內者○吏卒毆本部六

品以下首領官者○本衙門首領官及所屬官毆六

品以下長官者○佐貳官毆六品以下長官內損吐

血者折一齒以上者○雇工人毆家長之大功親者

折一齒以上者○家長及家長之期親若外祖父母

不告官毆殺有罪奴婢者依典決罰邂逅致死○妻

毆夫者折傷以上加凡聞三等○毆妻父母者折傷以上加凡

等闕一○卑幼毆本宗及外姻總麻兄弟者折一齒以上加凡闕

等一○非理毆殺子孫者故殺者加一等依法決罰避

○妻妾毆夫之本宗及外姻總麻兄弟者折一齒以上加凡闕

等一○官吏罵奉制命出使者○部民罵本屬知府知

州知縣者○軍士罵本管指揮千戶百戶者○吏卒

罵本部五品以上長官者○雇工人罵家長之期親

及外祖父母者○罵兄弟者○迎車駕及擊登聞鼓

申訴而不實者○告惡逆而官司不受理者受財者

枉法從○告期親尊長及外祖父母者被告尊長免

重論○奴婢告家長之期親及外祖父母者被告

者加所誣

罪三等

人免罪○誣告重者加所誣罪三等○子孫違犯祖父母父母教令及

奉養有缺者○官府行移傳寫制書而失誤者○詐

傳三四品衙門官言語有所規避者當該官司知而聽行者同罪○

為從者減一等○里長知偽造寶鈔而不首者○里長知私

鑄銅錢而不首者○將時用銅錢剪錯取銅者○詐

稱見任官子孫弟姪家人於按臨部內有所求為者

為從者減一等○得財者計贓准竊盜從重論○當該官司知而聽行者同罪○犯罪待對

故自傷殘者所避事重者從重論○受雇債為人傷殘者同罪○當該官司知而聽行者同

罪○抑勒妻妾及乞養女與人通姦者姦夫杖八十婦女不坐

離○抑勒親女及子孫之婦妾與人通姦者姦夫杖八十

婦女不坐離異

○買休賣休私娶人妻者

本夫本婦同坐○妾減一等○離異

○媒合人減一等

○姦同宗無服親及無服親之妻者妾減一等

○軍民官吏姦所部內無夫女者女杖八十

○居父母喪

而姦無夫女者女杖八十

○無夫女居父母及夫喪而犯

姦者

姦夫杖八十

○僧道姦無夫女者

女杖八十

○尼僧女冠

犯姦者

姦夫杖八十

○奴姦有夫良女者

女杖九十

○娼優樂

人買良家子女為娼優者

賣人知情者同罪

○娼優樂

人買良家女為妻妾者

知情賣嫁者同罪○媒合人減一等○婦女

娼優樂人乞養良家子女者

與者同罪

○官吏聽囑

施行者

所枉重者以故出入罪論○自囑托已事者加本罪一等○為他人及親屬囑托者減

官吏罪

○監臨勢要為人囑托者

但屬卑生○所在重者以故出入人

罪論罪止杖一百流三千里

○守衛宮殿及倉庫若掌囚之人見

火起而擅離所守者○放火故燒自己房屋者○樂

人搬做雜劇戲文時粧扮歷代帝王后妃忠臣烈士

先聖先賢神像者

官民之家容令粉粉者同罪

○擅殺應死罪人

者○獄卒以金刃及他物可以自殺及解脫枷鎖之

具與囚者

司獄官吏知而不舉者同罪○常人以可解脫之物與囚及子孫與祖父母父母奴

婢雇工人與家長者減獄卒罪一等

○官司決罰不如法因而致死者

行杖之人減一等○追給埋銀一十兩

○官吏拷決孕婦因而墮胎者

產後百日內拷決者減一等○失者減三等

○民間織造龍鳳文紵絲紗

羅貨賣者

機戶及工
匠同罪

○盜決河防者

盜決圩岸陂塘者杖八十○毀

害人家及漂失財物計贓重者坐贓論因而殺傷人者減開殺傷一等

○補軍人私出外

境擄掠者

為從者減一等

○補妻妾罵夫之兄姊者○以妻為

妾者

此條原本誤載杖九十條今釐改

○以上大明律

○牧場內有虎豹

而監牧官不即捕獲致殺馬牛五匹以上者

節度使杖九十

○詞訟知非誤決及故為淹延者○不牢不修獄及

侵虐罪囚者○守令聽施代納貢物者○赴京及使

隣國負人賫定數外物貨者○赴京時挾帶雜文書

者○私出入官府者

私出八驛侵損者杖八十

○儒生婦女上寺

者○朝官娶放出侍女水賜者○毀官文書重造紙

者○都城内行野祭者○士族婦女將宴山間水曲
及親行野祭山川城隍祀廟祭者○科場吏典僕隸
漏泄交通者故不檢覈者○守令非因公事越境者
○公賤有流亡而不能檢舉官吏及所管人切隣知
而不告者○公賤避役為僧尼而師僧尼知情者○
選上奴婢闕役而守令不即捉送者補公賤物故立
案時以生為死官吏該吏及一族知情者杖一百流三千里補元惡鄉
吏守令知而不舉刻者以上經國大典各司書吏定額外
加出者○八籍而無戶口者○戶籍時合錄率丁以
避坊役而統首任掌知而不告者○奸民避役投入

鄉品率下者○獮牌不佩者○量田時都監官監官
厭避者○京城內起耕者○倉庫色吏無面米十五
石以上者○魚鹽收稅時本官所屬侵漁海民而守
令不能禁斷者○灾傷磨勘時田結字獮差錯者○
鹽棒差使負及守令稅穀以米色不精或以白土末
雜舂取色米捧上者○京畿田稅大同米陸運邑守
令趁期領民納京倉托故不來及不為畢納者○漕
運穀偷取五石以下者○奉常寺所納稅貢守令過
限不納者○私債雖十年只徵一年利而違者○方
物布內外面各異麗造納官者○外貢上納時各司

私主人及本官京主人侵漁貢吏作弊者

尤甚者杖一百徒三

年○別例加定貢物該用紙各司色吏責納者○有

貢物各司及五部官負隨駕差祭時責立馬匹責出

諸具於貢人坊民者○內需司典守奴等民間牛馬

田地財產濫奪抑買者○科場試官帶率館學奴及

各司奴者○陵殿官負及典祀官陵殿祭物未潔精

者○各陵行幸御路犯耕者○婚姻納幣後雖有兩

家父母喪待三年而家長違者○天文肄習文臣懶

慢不學習者○赴京奪次者及當次厭避者○科場

兄弟各字者○宿衛守衛人在直迯者○軍籍時監

色等軍丁加年九人減年十四人以下者

加年十五人減年十五人

人以上杖八十徒二年加年二十人
減年二十五年以上杖一百徒三年○軍士及保人

嚴憚逃避他戶而切隣管領里正知情不告者○戰

船守令邊將不謹監造未滿限腐傷動退者○烽燧

監考不謹檢舉或有絕火者○濟州三邑通來官進

上馬不合御乘者○私馬之可合御乘嚴憚被執害

耳剪繫者○逆獄緣坐定配罪人逃亡者○盡毒造

畜人面任不能檢舉以致毒害人物者○盡毒案付

人出入他境而詐接及切隣知情者○殺人在逃而

官吏不用心捕捉者○濟州三邑人逃移他境者

許接

人壯一百
流三千里

○盜賊就捕者自其邑窮問取服後移送

討捕使而違者○赴燕時書狀官及義州府尹不檢

舉商賈私托物貨貿易唐物者○赴燕人漏洩本國

事情而書狀官不檢舉者○赴燕時詐冒軍人姓名

人去者及潛隱入去者○商賈隨使行入去者富

寧以北商賈入去者及守令不考察者京城十里

內生松枝葉枯松楂柯伐取者

家長掩置不告者同罪

○山直

以山底人代立或憑籍斫松或恐嚇索賂者○僧尼

濫入都城而許接者會飲者○庶人墳墓石物踰

制者○土產外服大緞錦繡者

禁軍扈衛軍官醫女針線婢勿禁

○

用鳳釵金玉釵珠鈿假髻者

新婦勿禁

○堂下官馬鞍用

銀八絛者

○國忌正日及致齋日動樂者

○士族家

奴僕亂厯現捉而家長毆打禁吏者

○禁吏憑依橫

拏者

○閭家奪八人部官掩置不報者

○守令荐棘

民家民塚者

○願留守令擊錚者

重者徒三年

○事係微

細而冒濫上言者

事理重者徒三年

○公私賤容隱役使而

面里任切隣知而不告者

守令不檢舉者同罪

○守令官婢私

與率畜者

觀察使不發覺者同罪

○官奴婢代口納粟贖良者

之家長

○公私賤已物身死久遠與當身生時放賣

他人及有子孫而其官主記上者

○北道官屬及土

豪品官同居婢夫雇工外冒占良人容隱役使者三人

以上杖一百徒三年○色吏
面里任切隣知情者同罪
○詞訟官違法聽理者

○破金井毀簪灰禁葬者○穿墻處放火或投穢物

禁葬者○官吏決折山訟有違法理者○各津過涉

及往來船致敗而他船人不即拯救者船主津夫同罪○冒

錄他人車子者之家長及官吏不察者○龍山漢江

等處果園踏損者補行幸時闕內跟隨加入者補官

婢率畜而守令不推還者補公賤詐為贖身者以止續大

典續以父母代子以兄代弟以妻代夫次知囚禁者

該署官貪執告政院續定配罪人逃失邑守令續街

掩置不告者論罪

路上使酒人補勤毀民家者以上大
典通編

東國文獻備考卷之一百四十八

